



Reykjavíkurborg

Borgarstjórnin í Reykjavík

Reykjavík, 4. júní 2019

R19050218

4400

Borgarráð

Waldorfskólinn Sólstafir - hækkun á hámarksviðmiði nemenda

Lagt er til að borgarráð samþykki að viðmið um hámarksfjölda reykvískra nemenda sem heimilt er að greiða framlag til grunnskólans Waldorfskólans Sólstafa verði breytt þannig að fjöldinn geti orðið 100 í stað 80 frá upphafi skólaárs 2019 – 2020. Sviðsstjóra skóla- og frístundasviðs er falið að ganga frá samningi við skólann vegna þessa. Fyrirvari er gerður um að hið nýja skólahúsnæði uppfylli skilyrði 20. gr., sbr. 43. gr. d. laga um grunnskóla nr. 91/2008, sbr. einnig reglugerð nr. 657/2009, um gerð og búnað grunnskólahúsnæðis og skólalóða, með síðari breytingum. Jafnframt er gerður fyrirvari um að fyrir liggja umsögn skólaráðs skólans vegna fyrirhugaðrar stækkunar skólans, sbr. 8. gr. laga nr. 91/2008, um grunnskóla og að þjónustusamningur skólans við Reykjavíkurborg fái staðfestingu Menntamálastofnunar.

Greinargerð:

Með vísan til minnisblað sviðsstjóra, dags. 4. júní 2019, er lagt til að heimilt verði að greiða viðbótarframlag vegna 20 reykvískra nemenda að hámarki frá skólaárinu 2019 -2020. Með því móti er komið til móts við óskir skólans og skólanum gert kleift að samþykkja fyrirbyggjandi umsóknir reykvískra foreldra í skólann auk þess sem hann hefur svigrúm til að fjölga nemendum.

Dagur B. Eggertsson

Hjálagt:

Erindi frá Waldorfskólanum Sólstöfum dags. 7. mars 2019.

Minnisblað sviðsstjóra skóla- og frístundasviðs, dags. 4. júní 2019.

Umsögn fjármála- og áhættustýringarsviðs, dags. 3. júní 2019.

Drög að þjónstusamningi skóla- og frístundasviðs og Waldorfsskólans Sólstafir.



Waldorfskólinn Sólstafir

Sóltúni 6 104 Reykjavík

sími: 5771110

solstafir@waldorf.is

Reykjavík 7. mars 2019

Helgi Grímsson

Sviðsstjóri Skóla og frístundasviðs Reykjavíkur

Erindi: Beiðni um 140 nemenda kvóta á næsta skólaári og upplýsingar um nemendafjölda Waldorfskólans Sólstafa skólaárið 2019-2020.

Þann 9. maí 2018 var samþykkt í Skóla og frístundaráði að gera nýjan viðauka við þjónustusamning Waldorfskólans Sólstafa þar sem viðmið um hámarksfjölda reykvískra barna sem heimilt er að greiða framlag vegna, var hækkað í 80 nemendur frá og með byrjun skólaársins 2018-2019. Samþykktar eru 14 umsóknir fyrir næsta skólaár.

Nú á vorönn eru 66 nemendur í skólanum úr Reykjavík og fyrirbyggjandi umsóknir fyrir 29 nemendur úr Reykjavík.

Heildarfjöldi nemenda í skólanum nú á vorönn er 88.

Mikil aukning er á umsóknum í skólann. Skólabygging sú sem verið er að reisa og áætlað er að verði tilbúin í ágúst 2019, rúmar 140 nemendur.

Stjórnendur Waldorfskólans Sólstafa óskar eftir því að viðmið um hámarksfjölda nemenda sem greitt er með úr Reykjavík verði frá og með næsta skólaári aukið í 140 nemendur. Kemur það í veg fyrir að skólinn þurfi stöðugt að vísa nemendum úr nærsamfélaginu og Reykjavík frá.

Hjálagður er listi yfir nemendur sem sótt hafa um skólavist fyrir næsta skólaár.

Fyrir hönd skólastjórnar Waldorfskólans Sólstafa

Sigurbjörg A. Eiðsdóttir



MINNISBLAÐ

Viðtakandi: Borgarráð

Sendandi: Helgi Grímsson, sviðsstjóri skóla- og frístundasviðs

Efni: Varðandi umsókn Waldorfskólans Sólstafa um að heimilt verði að greiða framlag vegna fleiri reykvískra nemenda

I Umsókn grunnskólans Waldorfskólans Sólstafa

Skóla- og frístundasvið hefur haft til meðferðar beiðni Waldorfskólans Sólstafa um að hámarksviðmið reykvískra nemenda skólans, sem heimilt er að greiða framlag vegna, verði aukið úr 80 nemendum í 140 nemendur frá skólaárinu 2019-2020.

Í beiðni skólans kemur fram að ástæða þess að sótt sé um hækkun viðmiðs um leyfilegan hámarksfjölda nemenda sé fjölgun umsókna um skólavist í skólanum. Fyrirhugað sé að taka nýtt skólahúsnæði í notkun í ágúst 2019 en það rúmi 140 nemendur. Fram kemur að á vorönn 2019 stundi 66 reykvískir nemendur nám við skólann en í marsmánuði hafi þegar borist umsóknir um skólavist fyrir 29 nýja nemendur skólaárið 2019/2020. Þá kemur fram að engir nemendur séu í 10. bekk skólaárið 2018-2019 og 9. bekkur sé fámennur. Því muni nemendum ekki fækka mikið vegna útskrifta á þessu og næsta skólaári. Aðrir árgangar skólans séu hins vegar fjölmennir. Lagður hefur verið fram listi yfir umsóknir 29 reykvískra nemenda sem óskað er eftir skólavist fyrir í Waldorfskólanum Sólstöfum. Fram hefur komið að einungis hluti þeirra hafi verið samþykktur þar sem 14 pláss séu eftir fyrir börn úr Reykjavík.

Nýr þjónustusamningur til þriggja ára, sem kveður á um að hámarksviðmið reykvískra nemenda sem greitt er framlag vegna til Waldorfskólans Sólstafa, hefur verið sendur skólanum til undirritunar og gerir hann ráð fyrir að viðmið um leyfilegan hámarksfjölda reykvískra nemenda, sem greitt er framlag vegna, sé 80 nemendur. Samningurinn er gerður með fyrirvara um staðfestingu Menntamálastofnunar, sjá meðfylgjandi drög að þjónustusamningi.

II Ákvæði grunnskólalaga og reglugerðar um sjálfstætt rekna grunnskóla

Skv. 1. mgr. 43. gr. a. laga um grunnskóla nr. 91/2008, með síðari breytingum, skal sveitarfélag sem skóli starfar í gera þjónustusamning um rekstur skólans við rekstraraðila. Samningur felur í sér samþykki sveitarfélags fyrir stofnun skólans, staðfestingu á rétti til fjárframlaga skv. 43. gr. b og skuldbindingu sveitarfélags um að hafa eftirlit með starfi hans. Skv. 3. mgr. 43. gr. a getur sveitarfélag hafnað því að gera þjónustusamning eða takmarkað hann við tiltekinn nemendafjölda, t.d. ef fjárframlögð til skólanna kunna að hafa neikvæð áhrif á skólastarf sveitarfélagsins sjálfs og fjárveitingar til þess.

Skv. 43.gr. b. laga um grunnskóla nr. 91/2008 með síðari breytingum á sjálfstætt rekinn grunnskóli sem gert hefur þjónustusamning rétt á framlagi úr sveitarsjóði til starfsemi sinnar vegna nemenda sem hafa lögheimili í því sveitarfélagi sem skólinn starfar í. Skal fralagið nema að lágmarki 75% af vagnu meðaltali heildarrekstrarkostnaðar allra grunnskóla sem reknir eru af sveitarfélögum í landinu á hvern nemanda samkvæmt útreikningi Hagstofu Íslands. Gildir þetta hlutfall fyrir skóla með allt að 200 nemendur, en fralagið skal vera að lágmarki 70% fyrir hvern nemanda umfram þann fjölda.

III Upplýsingar um fjárhagsleg áhrif

Áætlaður árlegur rekstrarkostnaður á hvern nemanda í grunnskólum, sem reknir eru af sveitarfélögum, var kr. 1.918.177,- í apríl 2019. Miðað við að greitt sé 75% af þeirri fjárhæð er árlegur rekstrarkostnaður á hvern nemanda kr. 1.438.633,- (dreifist á 9 mánuði, september til maí).

Fastur kostnaður Reykjavíkurborgar pr. nemanda er kr. 800.388,- Sá kostnaður fellur ekki niður ef laus pláss eru til staðar í grunnskólum Reykjavíkur.

Fjárhagsáætlun skóla- og frístundasviðs vegna framlaga til sjálfstætt rekinna grunnskóla miðast við nemendafjölda þeirra að hausti á rekstrarári á undan þ.e. október 2018 vegna fjárhagsáætlunar 2019. Skóla- og frístundasvið fær auknar fjárheimildir í samræmi við fjölgun/fækkun og verðlagsbreytingar framlags á fjárhagsárinu. Hækkun viðmiðs um hámarksfjölda skilar því ekki hækkun á fjárheimildum en eins og með magntölur í borgarreknum skólum þá er nemendafjölgun á fjárhagsári ávallt bætt.

Að öðru leyti er vísað til meðfylgjandi umsagnar fjármálaskrifstofu Reykjavíkurborgar, dags. 3. júní 2019.

IV Afgreiðsla málsins

Með vísan til framanritaðs er ekki gerð athugasemd við að samþykkt verði að gera breytingu á framangreindum þjónustusamningi skóla- og frístundasviðs og Waldorfskólans Sólstafa sem kveði á um að viðmið um leyfilegan hámarksfjölda reykvískra nemenda sem greitt er framlag vegna skólaárið 2019-2020 verði hækkað. Fyrirvari er gerður um að hið nýja skólahúsnaði uppfylli skilyrði 20. gr., sbr. 43. gr. d. laga nr. 91/2008, sbr. einnig reglugerð nr. 657/2009, um gerð og búnað grunnskólahúsnaðis og skólalóða, með síðari breytingum. Jafnframt er gerður fyrirvari um að fyrir liggja umsögn skólaráðs skólans vegna fyrirhugaðrar stækkunar skólans, sbr. 8. gr. laga nr. 91/2008, um grunnskóla og að þjónustusamningur skólans við Reykjavíkurborgar fái staðfestingu Menntamálastofnunar.



Umsögn

Til: Sviðsstjóra skóla- og frístundasviðs

Frá: Sviðsstjóra fjármála- og áhættustýringarsviðs

Efni: Umsóknna Waldorfskólans Sólstafa um að heimilt verði að greiða framlag vegna fleiri reykvískra nemenda

Sviðsstjóri skóla- og frístundasviðs hefur óskað eftir umsögn um umsókn Waldorfskólans Sólstafa um að hækka hámarksviðmið reykvískra nemenda skólans, sem heimilt verði að greiða framlag vegna, verði aukið úr 80 nemendum í 140 nemendur frá skólaárinu 2019-2020.

Vísað er í minnisblað sviðsstjóra skóla og frístundasviðs þar sem fram koma upplýsingar um ástæður beiðnarinnar og tillögu sviðsins um meðhöndlun málsins sem felur í sér að hámarksviðmið reykvískra nemenda verði hækkað úr 80 nemendum í 100 nemendur.

Í minnisblaði sviðsstjóra skóla- og frístundasviðs til skóla- og frístundaráðs sem fylgir málinu er vísað í 43. gr. laga um grunnskóla nr. 91/2008 þar sem kemur fram að sjálfstætt rekinn grunnskóli sem gert hefur þjónustusamning á rétt á framlagi úr sveitarsjóði til starfsemi sinnar vegna nemenda sem hafa lögheimili í því sveitarfélagi sem skólinn starfar í. Skal framlagið nema að lágmarki 75% af vagnu meðaltali heildarrekstrarkostnaðar allra grunnskóla sem reknir eru af sveitarfélögum í landinu skv. útreikningi Hagstofu Íslands. Kostnaður þessi var kr. 1.987.177 í apríl 2019. Ef miðað er við að greitt sé 75% af þeirri fjárhæð til sjálfstætt starfandi skóla þá er árlegur rekstrarkostnaður á hvern nemanda kr. 1.438.633 sem dreifist á 9 mánaða skólaár.

Umsögn:

Sé tekið mið af fyrirliggjandi upplýsingum um meðalkostnað pr. barn í grunnskólum Reykjavíkur frá árinu 2017 og hann framreiknaður til ársins 2019 má gera ráð fyrir að hann sé kr. 1.904.086 hvert skólaár. Þar af er fastur kostnaður borgarinnar kr. 800.388 skv. upplýsingum sviðsins. Breytilegur kostnaður í borgarreknnum skólum nemur því sem eftir stendur eða kr. 1.103.698 pr. barn.

Til skemmri tíma litið er ekki raunhæft að gera ráð fyrir því að hægt sé að lækka fastan kostnað í borgarreknnum grunnskólum þó fleiri börn fari í einkarekna grunnskóla, því fjármagn er m.a. bundið í húsakosti borgarinnar og ýmsum föstum rekstarkostnaðarliðum sem ekki er hægt að skera niður þó að um lítilsháttar fækkun nemenda sé að ræða milli ára. Til skemmri tíma er því eðlilegt að bera saman breytilegan kostnað borgarrekinnna grunnskóla við gjaldið sem greitt er til einkarekinna grunnskóla. Kostnaðarauki borgarinnar nemur með þeim hætti kr. 334.935 pr. barn og hreinn viðbótarkostnaður

er því áætlaður kr. 6.698.695 m.v. 20 börn er tekið er mið af tillögu sviðsins um að hækka viðmiðið úr 80 nemendum í 100 nemendur, sjá töflu:

Samanburður_framlag vegna barna í borgarreknum og einkareknum grunnskólum

	Meðalk. pr. barn	Þar af FK pr.barn	Þar af BK pr.barn	Tll samanburðar
Borg	1.904.086	800.388	1.103.698	1.103.698
Einka	1.438.633			1.438.633
			Mism. pr. barn	334.935
Skólaár	2019-2020			
Fjöldi nemenda	20			
Borg	22.073.960			
Einka	28.772.655			
Hreinn viðbótarkostn.	6.698.695			

Til lengri tíma litið má ætla að það komist á jafnvægi á milli borgarrekinna og einkarekinna grunnskóla og hægt sé að spara í föstum kostnaði Reykjavíkurborgar með sveigjanleika í nýtingu á rými og fastri aðstöðu. Þegar þangað er komið er ódýrara fyrir borgina að vista börn í einkareknum grunnskólum miðað við í borgarreknum grunnskólum og felst mismunurinn í því að aðeins er greitt 75% meðalkostnaðar við rekstur grunnskóla á landsvísi. Sparnaður til lengri tíma er því sem nemur kr. 9.309.065 ef tekið er mið af 20 börnum:

Samanburður_framlag vegna barna í borgarreknum og einkareknum grunnskólum

	Meðalk. pr. barn	Þar af FK pr.barn	Þar af BK pr.barn	Tll samanburðar
Borg	1.904.086	800.388	1.103.698	1.904.086
Einka	1.438.633			1.438.633
			Mism. pr. barn	- 465.453
Skólaár	2019-2020			
Fjöldi nemenda	20			
Borg	38.081.720			
Einka	28.772.655			
Sparnaður til lengri tíma	- 9.309.065			

Áhrif á fjárheimildir sviðsins 2019

Burtséð frá því sem fram kemur hér að ofan þá er ekki vitað nákvæmlega hver endanlegur barnafjöldi verður í grunnskólum Reykjavíkurborgar í haust eða hvernig nemendur muni koma til með að skiptast á milli einkarekinna og borgarrekinna grunnskóla. Það er í því nauðsynlegt að gera ráð fyrir því að það þurfi að fjármagna að fullu þá fjölgun sem verður í Waldorfskólanum Sólstöfum að hausti eða skv. eftirfarandi:

Til fjármögnunar 2019	2019
Fjöldi nemenda	20
Kost. pr. nemanda	1.438.633
Samtals á ársgrundvelli	28.772.655
Kostnaður á haustönn 2019	12.787.847

*Halldóra Káradóttir,
sviðsstjóri fjármála- og áhættustýringarsviðs.*

ÞJÓNUSTUSAMNINGUR

Skóla- og frístundasvið Reykjavíkurborgar, kt. 530269-7609, hér eftir SFS og Waldorfleikskólinn Sólstafir, kt. 430694-2199, vegna grunnskólans að Sóltúni 6, Reykjavík, hér eftir skólinn, gera með sér eftirfarandi þjónustusamning um framlag vegna nemenda í skólanum sem eiga lögheimili í Reykjavík og fósturbarna ef fósturforeldrar eiga lögheimili í Reykjavík. Samningurinn gildir um rekstur grunnskóla en ekki rekstur frístundaheimilis.

1. gr. Skilyrði

Starfsemi og starfsaðstaða skólans skal á hverjum tíma vera í samræmi við gildandi lög um grunnskóla nr. 91/2008, með síðari breytingum og lög um menntun og ráðningu kennara og skólastjórnenda við leikskóla, grunnskóla og framhaldsskóla nr. 87/2008, með síðari breytingum, reglugerð nr. 1150/2018, um sjálfstætt rekna grunnskóla og önnur lög og reglugerðir sem gilda um starfsemi grunnskóla.

Réttindi og skyldur nemenda skulu vera í samræmi við gildandi grunnskólalög á hverjum tíma, reglugerðir settar samkvæmt þeim og aðalnámskrá grunnskóla.

Um framlagið samkvæmt samningi þessum gilda reglur Reykjavíkurborgar um styrki. Þess skal getið í kynningarefni skólans að hann njóti styrks frá Reykjavíkurborg. Skólanum ber að skila skóla- og frístundasviði kyngreindum gögnum um þá sem eftir atvikum veita eða njóta þjónustu eða gæða vegna styrkveitingarinnar.

Starfsfólk skólans skal gæta fyllstu þagmælsku um hagi foreldra og barna þeirra sem það fær vitneskju um í starfi sínu og leynt skulu fara samkvæmt lögum, fyrirmælum yfirboðara eða eðli máls. Þagnarskylda helst þótt látið sé af starfi. Brot á þagnarskyldu getur varðað refsingu samkvæmt almennum hegningarlögum.

Skólinn fylgir ákvæðum laga nr. 91/2008, um grunnskóla og ákvæðum stjórnisýslulaga nr. 37/1993 við töku ákvarðana sem eru kærarlegar skv. 47 gr. laga nr. 91/2008, um grunnskóla auk þess sem lög um upplýsingarétt nr. 140/2012 geta átt við um starfsemina.

Til samræmis við lög um grunnskóla ber skólanum að hafa skólanámskrá sem byggir á gildandi aðalnámskrá og ber að skila skóla- og frístundasviði starfsáætlun ár hvert samkvæmt reglum og viðmiðum sviðsins hverju sinni.

Skólinn fylgir ákvæðum laga um persónuvernd og vinnslu persónuupplýsinga nr. 90/2018 enda telst hann ábyrgðaraðili persónuupplýsinga vegna vinnslu þeirra í starfsemi skólans. Skólanum ber að tryggja að miðlun upplýsinga skv. samningi þessum til skóla- og frístundasviðs sé í samræmi við framangreind lög um persónuvernd og vinnslu persónuupplýsinga.

2.gr. Rekstrarframlag

Framlagið nemur 75% af vegnu meðaltali heildarrekstrarkostnaðar allra grunnskóla sem reknir eru af sveitarfélögum í landinu á hvern nemanda samkvæmt útreikningi Hagstofu Íslands. Gildir þetta hlutfall fyrir skóla með allt að 200 nemendur. Fjölgi nemendum umfram 200 nemur framlagið 70% af framangreindu vegnu meðaltali fyrir hvern nemanda umfram 200.

Greitt er framlag vegna allt að 80 nemenda.

Greiðslurnar taka breytingum til hækkunar eða lækkunar eftir útreikningum Hagstofunnar.

Framangreint framlag Reykjavíkurborgar við skólann, sem er framlag vegna reksturs skólans allt árið, verður greiddur með 9 greiðslum síðasta virka dag hvers mánaðar fyrir líðandi mánuð. Ekki er greitt mánuðina júní, júlí og ágúst. Framlagið miðast við fjölda nemenda í skólanum í yfirstandandi mánuði, sem eiga lögheimili í Reykjavík og nemendur sem eru fósturbörn, ef fósturforeldrar eiga lögheimili í Reykjavík. SFS krefur sveitarfélag sem ráðstafar barni í fóstur um kostnað vegna skólagöngu barns í fóstri hjá fósturforeldrum með lögheimili í Reykjavík.

Um greiðslu kostnaðar vegna stuðnings við nemendur með metnar sérþarfir og nemendur með annað móðurmál en íslensku er vísað til 6. og 7. gr. sammingsins.

Skólanum ber að koma réttum upplýsingum um fjölda nemenda til SFS fyrir 5. dag hvers mánaðar til að hægt sé að greiða rétta fjárhæð í lok mánaðarins.

Skólanum er heimilt að taka nemendur í skólann sem ekki eiga lögheimili í Reykjavík en Reykjavíkurborg greiðir hvorki framlag né annan kostnað vegna þeirra.

Skólanum ber að skila til SFS starfsáætlun, þ.m.t. upplýsingum um fjölda nemenda á komandi skólaári, eigi síðar en 1. maí ár hvert. Listi yfir nemendur sem stunda nám í skólanum í ágústlok skal sendur SFS eigi síðar en 1. september. Skólanum er jafnframt skylt að veita sviðinu aðgang að nemendaskrá og upplýsingar um innritaða nemendur þegar þess er óskað.

Skólanum er heimilt að óska eftir breytingu á viðmiði um fjölda nemenda sem greitt er framlag vegna ef sýnt er fram á að fjölgun nemenda verði umfram framangreindan hámarksfjölda nemenda í 2. mgr. 2.gr. sammings þessa. Umsókn skal berast með starfsáætlun eigi síðar en 1. maí ár hvert. Skal ákvörðun Reykjavíkurborgar vegna beiðni um breytingu á viðmiði liggja fyrir eins fljótt og auðið er og eigi síðar en 10. júní.

Rekstrarafgang af starfsemi skólans, sem rekja má til opinberra fjárveitinga, skal nýta til að efla skólastarfið. Í ársskýrslu skólans til Reykjavíkurborgar skal gerð grein fyrir því hvernig framangreindur rekstrarafgangur er metinn og hvernig honum er varið.

3. gr. Gjaldtaka

Skólanum er heimilt að taka gjald af foreldrum vegna kennslu og skólamáltíða.

4. gr.

Innritun nemenda

Skólanum ber að setja sér reglur um innritun nemenda sem byggðar skulu á ákvæðum grunnskólalaga um skóla án aðgreiningar þar sem allir nemendur eiga sama rétt til að innritast í skólann án tillits til líkamlegs eða andlegs atgervis.

5. gr.

Sérfræðiþjónusta

Skólinn á rétt á sömu sérfræðiþjónustu og almennir grunnskólar frá þjónustumiðstöð Reykjavíkurborgar í því hverfi sem skólinn er staðsettur.

6. gr.

Stuðningur við nemendur með sérþarfir

Skólinn getur sótt um fjármagn vegna sérstaks stuðnings fyrir nemendur með metnar sérþarfir, samkvæmt reglum SFS á hverjum tíma. SFS greiðir 45% af úthlutaðri fjárhæð vegna haustannar fyrir 1. nóvember og 55% vegna vorannar fyrir 1. apríl. Þarfnist nemandi með lögheimili utan Reykjavíkur sérstakrar aðstoðar eða aukins stuðnings semur skólinn sérstaklega um viðbótargreiðslur við viðkomandi sveitarfélag.

7. gr.

Nemendur með annað móðurmál en íslensku

Skólinn getur sótt um úthlutun fjármagns samkvæmt reglum SFS á hverjum tíma vegna kennslu í íslensku fyrir nemendur af erlendum uppruna sem eiga lögheimili í Reykjavík. Um kostnað vegna kennslu í íslensku fyrir nemendur af erlendum uppruna sem eiga lögheimili í öðrum sveitarfélögum, semur skólinn sérstaklega við viðkomandi sveitarfélag.

8. gr.

Upplýsingar, mat og eftirlit

Skólinn skal lúta sama eftirliti með innra starfi og aðrir grunnskólar í Reykjavík. Þeir skulu framkvæma innra mat með því að meta með kerfisbundnum hætti árangur og gæði skólastarfsins með virkri þátttöku starfsmanna, nemenda og foreldra eftir því sem við á. Skólanum ber að birta á heimasíðu sinni upplýsingar um innra mat, tengsl þess við skólanámskrá og áætlanir um umbætur.

SFS framkvæmir ytra mat og ber skólanum að láta sviðinu í té allar upplýsingar sem nauðsynlegar eru til að framkvæma matið og til að sinna að öðru leyti eftirlitsskyldu sinni.

Við undirritun sammings þessa liggur skólanámskrá skólans fyrir. Skólastjóra er skylt að endurskoða skólanámskrána reglulega og leggja hana fyrir skóla- og frístundaráð til staðfestingar.

Starfsáætlun skólans fyrir komandi skólaár skal send skóla- og frístundaráði til staðfestingar fyrir 1. maí ár hvert.

9. gr.

Ársskýrsla

Skólinn skal skila ársskýrslu ásamt endurskoðuðum ársreikningi til SFS fyrir 1. maí ár hvert fyrir liðið fjárhagsár.

10. gr.

Fundir og námskeið fyrir skólastjórnendur

SFS skal upplýsa og bjóða stjórnendum skólans á reglubundna fundi sem yfirstjórn SFS heldur með skólastjórnendum í Reykjavík. Jafnframt skal bjóða stjórnendum skólans að sækja námskeið á vegum SFS gegn greiðslu kostnaðar.

11. gr.

Endurskoðun samnings

Ef upp koma breytingar í starfsumhverfi viðurkenndra grunnskóla sem reknir eru af öðrum en Reykjavíkurborg er samningsaðilum heimilt að óska eftir endurskoðun samningsins með tilliti til þeirra.

12. gr.

Framsal

Samningsaðilum er óheimilt að framselja réttindi sín og/eða skyldur samkvæmt samningi þessum, í heild eða að hluta, nema að fyrirframböngu skriflegu samþykki hins.

13. gr.

Force Majeure

Hvorugur aðili verður talinn hafa brotið gegn samningi þessum, þegar honum er ókleift að uppfylla samningsskyldur sínar vegna atvika, sem rekja má til óviðráðanlegra ytri atvika (force majeure), s.s. vegna alvarlegra slysa, stríðsátaka, náttúruhamfara, deilna á vinnumarkaði, fyrirmæla stjórnvalda eða annarra óvæntra og ófyrirséðra atvika, sem samningsaðilum er ekki unnt að fyrirbyggja.

14. gr.

Gildistími og uppsögn

Samningurinn tekur gildi 10. júní 2019. Samningurinn gildir til þriggja ára og fellur brott án uppsagnar að þeim tíma liðnum. Litið er svo á að samningur aðila dags. 20. október 2015, auk viðauka við hann dags. 24. febrúar 2017, 11. september 2017 og 30. maí 2018, haldi gildi sínu fram að gildistöku þessa samnings. Gerður er fyrirvari af hálfu Reykjavíkurborgar um að fjárveitingar SFS eru gerðar með fyrirvara um fjárheimildir skv. fjárhagsáætlun á hverju ári eftir fyrsta ár samningsins.

Þjónustusamningur þessi er uppsegjanlegur af hálfu beggja aðila með eins árs fyrirvara.

15. gr.

Endurkrafa á ofgreiddu framlagi og vanefndir

Komi í ljós að SFS hafi ofgreitt framlag af einhverjum ástæðum, t.d. vegna rangra upplýsinga eða mistaka mun SFS lækka framlag til skólans við næstu greiðslu sem því nemur eða krefjast endurgreiðslu. Skólinn getur óskað eftir að endurgreiðslu verði skipt á þrjá mánuði.

Komi til vanefnda af hálfu annars hvors aðila samnings þessa er hinum aðilanum heimilt að grípa til viðeigandi vanefndaúrræða. Sé um verulega vanefnd að ræða er heimilt að grípa til riftunar að undangengnum hæfilegum fresti til úrbóta.

16. gr
Fyrirvari um staðfestingu á þjónustusamningi
Afturköllun staðfestingar

Samningur þessi er gerður með fyrirvara um staðfestingu Menntamálastofnunar, sbr. 2. mgr. 43. gr. a. laga nr. 91/2008 og 4.-6. gr. reglugerðar nr. 1150/2018, um sjálfstætt rekna grunnskóla.

Afturkalli Menntamálastofnun staðfestingu sína á þjónustusamningi þessum fellur samningurinn úr gildi án uppsagnar.

17. gr.
Varnarþing

Komi til þess að mál verði höfðað vegna ágreinings um samning þennan skal það rekið fyrir héraðsdómi Reykjavíkur.

18. gr.
Undirritun

Samningur þessi er gerður í tveimur (2) samhljóða eintökum og heldur hvor aðili sínu eintaki. Öllu framangreindu til staðfestu rita til þess bærir fyrirsvarsmenn/fulltrúar aðila nöfn sín hér undir í votta viðurvist.

Reykjavík, 13. maí 2019

F.h. Skóla - frístundasviðs Reykjavíkurborgar

F.h. Waldorfleikskólans Sólstafa ehf.

Vottar að rétttri dagsetningu, undirritunum og yfirlýsingu aðila um fjárræði sitt:

Fylgiskjal: Reglur Reykjavíkurborgar um styrki.